

Resolución reitoral pola que se convocan bolsas para o estudiantado beneficiario ou solicitante de protección internacional, apátrida ou en situación de protección temporal afectado polo conflito de Ucraína, no curso académico 2026/2027

O alumnado da Universidade de Vigo, de conformidade co establecido no artigo 64.h dos Estatutos da Universidade de Vigo, ten dereito a beneficiarse das distintas axudas e bolsas que a universidade e outras institucións establezan ao seu favor, coa finalidade de que ninguén quede excluído do estudo por razóns económicas.

No ámbito da súa competencia, a Universidade de Vigo desenvolve anualmente programas complementarios de axudas ao alumnado para cubrir necesidades non atendidas ou insuficientemente atendidas polas administracións públicas, encamiñadas a favorecer a igualdade de oportunidades e a excelencia no rendemento académico.

Esta reitoría consciente da situación actual das persoas refuxiadas procedentes de países e zonas en conflito, e consonte aos acordos e recomendacións da CRUE, publica a presente convocatoria que facilitará o acceso de refuxiados e solicitantes de asilo a estudos universitarios, así como a súa integración na nosa contorna mediante a aprendizaxe do castelán e/ou galego.

Unha vez vista a *Lei 9/2007 de subvencións de Galicia*, as disposicións aplicables da *Lei 38/2003, do 17 de novembro, xeral de subvencións* e as súas normativas de desenvolvemento.

En virtude das facultades que lle outorgan a *Lei orgánica 2/2023, de 22 de marzo, do sistema universitario* e o artigo 72 do *Decreto 13/2019, do 24 de xaneiro*, polo que se aprobaron os estatutos desta universidade,

ESTA REITORÍA RESOLVE:

1. Convocar, en réxime de concorrencia competitiva, bolsas para o estudiantado beneficiario ou solicitante de protección internacional, apátrida ou en situación de protección temporal afectado polo conflito de Ucraína, que se xestionarán de acordo coas bases reguladoras que figuran no anexo I.
2. Publicar esta convocatoria e as bases que a regulan no taboleiro da sede electrónica <https://sede.uvigo.gal/> e no portal de bolsas da Universidade de Vigo <https://www.uvigo.gal/estudar/xestions-estudantes/bolsas>.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados a partir do día seguinte da súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte de se publicar a presente resolución, perante o mesmo órgano que a ditou e non caberá interpoñer o recurso contencioso-administrativo namentres non recaia unha resolución expresa ou presunta do recurso de reposición, de acordo co disposto na *Lei 39/2015 de 1 de outubro, do procedemento administrativo común das administracións públicas*.

Vigo, na data da sinatura electrónica

O reitor

Por delegación RR de 30/05/2024 (DOG 10/06/2024)

A vicerreitora de Extensión Universitaria

Susana Reboresda Morillo



ANEXO I

BASES QUE REGULAN A CONVOCATORIA DE BOLSAS PARA O ESTUDANTADO SOLICITANTE OU BENEFICIARIO DE PROTECCIÓN INTERNACIONAL, APÁTRIDA OU EN SITUACIÓN DE PROTECCIÓN TEMPORAL AFECTADO POLO CONFLITO DE UCRAÍNA, NO CURSO ACADÉMICO 2026/2027

1. OBXECTO

A presente convocatoria está prevista no Plan Estratéxico de subvencións da Universidade de Vigo para o ano 2026 como acción destinada ao cumprimento do obxectivo “Definir e poñer en marcha unha política integrada de responsabilidade social que englobe a cooperación internacional, o voluntariado, a igualdade, a sostibilidade e a atención á diversidade”, facilitándolle ás persoas en situación de refuxio e indicadas no punto 2.a) das bases da convocatoria, a realización de estudos universitarios, preferentemente oficiais, que permitan a súa integración no noso país.

2. REQUISITOS DAS PERSOAS SOLICITANTES

Pode solicitar bolsa o estudantado que cumpra os seguintes requisitos:

- a) Ter a condición de apátrida, de beneficiario/a de protección internacional, ou ter a autorización de estadia por atoparse no período transitorio de adquisición da condición, na data de fin de presentación de solicitudes. Así mesmo están incluídas as persoas en situación de protección temporal outorgada en virtude da Decisión de Execución (UE) 2022/382 do Consello de 4 de marzo de 2022 a persoas afectadas polo conflito de Ucraína que poidan encontrar refuxio en España e polas Orde INT/96/2026, do 12 de febreiro, pola que se prorroga a validez das tarxetas de identidade ás persoas beneficiarias de protección temporal.
- b) Manifestar o interese de realizar a preinscrición ou estar preinscrito/a en estudos de grao, máster universitario ou doutoramento no curso 2026/2027 en centros propios da Universidade de Vigo ou en centros adscritos de titularidade pública que impartan titulacións non impartidas en centros propios (Enfermaría Ourense, Enfermaría Pontevedra e Enfermaría Meixoeiro), ou nunha titulación propia de especialista da Universidade de Vigo.

En todo caso para o inicio dos estudos terán que cumprir o correspondente requisito de acceso establecido.

Titulacións oficiais:

- Grao: <https://www.uvigo.gal/es/estudiar/que-estudiar/estudios-grado>
- Máster universitario: <https://www.uvigo.gal/es/estudiar/que-estudiar/masteres>
- Doutoramento: <https://www.uvigo.gal/es/estudiar/que-estudiar/doctorado>

Títulos propios: <https://cpfp.uvigo.gal/gl/>

- c) Non posuír título en España en estudos do mesmo nivel para os que se solicita a bolsa.
- d) Informe sobre a situación socioeconómica da persoa solicitante, emitido pola ONG que xestiona ou xestionou o expediente de protección internacional ou a entrada ao sistema de Acolida e Integración. No caso de non ter unha ONG de referencia pódese achegar un informe socioeconómico da Unidade de Traballo Social do municipio de residencia.



e) No caso de continuar estudos e ter desfrutado desta mesma bolsa con anterioridade, deberá ter superado no curso anterior ou no último realizado na universidade:

- 60% dos créditos matriculados nas titulacións de grao da rama de enxeñaría e ciencias.
- 70% dos créditos matriculados no resto das titulacións de grao.
- 80% dos créditos matriculados nas titulacións de máster universitario que habilita para o exercicio profesional.
- 90% dos créditos matriculados no resto das titulacións de máster universitario.

De xeito excepcional, admitiranse as solicitudes que teñan un menor número de créditos superados sempre que se xustifique adecuadamente o motivo (enfermidade, coidado de familiares dependentes enfermos...), e sexa así considerado pola comisión de selección.

Será de aplicación a esta convocatoria o establecido na convocatoria xeral de bolsas do MEFPD relativo ao excepcional aproveitamento académico.

Dadas as especiais características destas bolsas e o interese humanitario das mesmas, poderá obterse a condición de beneficiario destas bolsas aínda que non se cumpran os requisitos establecidos no artigo 13.2 da Lei 38/2003 do 17 de novembro, xeral de subvencións.

3. INCOMPATIBILIDADES

As bolsas establecidas nesta convocatoria son incompatibles con calquera outra subvención da mesma natureza e para a mesma finalidade.

O importe das bolsas en ningún caso poderá ser de tal contía que de xeito illado ou en concorrencia con outras subvencións, axudas, ingresos ou recursos supere o coste da actividade subvencionada segundo establece o artigo 19.3 da *Lei 38/2003 de 17 de novembro, xeral de subvencións*.

4. DOTACIÓN, CONTÍA E PAGAMENTO

1. Os fondos destinados a esta bolsa cun importe máximo de 20.000 € irán con cargo á aplicación orzamentaria

- 2026 00EX 121D 482.99 e o importe máximo do crédito orzamentario retido ascenderá a 19.000 €
- 2027 00EX 121D 482.99 por un importe máximo de 1.000 €

para o que se achega o correspondente certificado de existencia de crédito.

No caso de existir crédito dispoñible nas condicións establecidas no artigo 30.2 do Decreto 11/2009 polo que se aproba o Regulamento da Lei 9/2007 de subvencións de Galicia, poderase ampliarse o crédito da presente convocatoria e o seu incremento quedará condicionado á declaración de dispoñibilidade do crédito e, no seu caso, á previa aprobación da modificación orzamentaria que proceda. A ampliación de crédito deberá ser publicada no rexistro electrónico e no Portal de bolsas da web da Universidade de Vigo, sen que tal publicación implique a apertura de prazo para presentar novas solicitudes nin o inicio dun novo cómputo de prazo para resolver.

2. A contía individual máxima da bolsa será de 3.000 € por persoa e inclúe:

- Os prezos públicos por servizos académicos e administrativos correspondentes á matrícula agás o seguro escolar que, de ser o caso, deberá ser aboado polo/a estudante.



- Unha contía económica máxima de 2.000 € para todo o curso académico en concepto de axuda para gastos derivados da actividade académica. A contía máxima percibirase pola matrícula de curso académico completo (60 ECTS e o curso académico completo no doutoramento), diminuíndo de xeito proporcional en función dos créditos nos que se realice a matrícula.
- Un curso de galego dos impartidos pola Área de Normalización Lingüística ou castelán no Centro de linguas da Universidade de Vigo a realizar durante o curso académico 2026/2027.

No caso de estudantes da titulación propia de especialista, esta contía estará suxeita á retención establecida nas normativas tributarias aplicables.

3. O pagamento da contía económica efectuarase unha vez comprobado que as persoas beneficiarias están matriculadas no curso 2026/2027, mediante transferencia á conta bancaria en España indicada polo/a alumno/a na súa solicitude e da que deberá ser titular. Así mesmo poderá realizarse o abono da axuda mediante o procedemento de pago en formalización para aqueles/as estudantes que teñan importes de matrícula pendentos de aboar.

Con respecto ao curso de castelán trátase dunha axuda en especie cuxa contratación someterase á Lei de contratos do sector público segundo establece a disposición quinta da Lei xeral de subvencións. Esta contía estará suxeita á retención establecida nas normativas tributarias aplicables.

5. PRESENTACIÓN DE SOLICITUDES E DOCUMENTACIÓN

1. As persoas solicitantes deberán cubrir o formulario en liña no seguinte enlace https://secretaria.uvigo.gal/uv/web/formularios/encuesta/cubrir_paso1/15481 e presentalo de xeito presencial nos rexistros da universidade de Vigo, na sede electrónica, ou por calquera dos medios establecidos na *Lei 39/2015 de 1 de outubro, do procedemento administrativo común das administracións públicas*.

2. O prazo de presentación das solicitudes comeza o día seguinte a publicarse esta convocatoria e finaliza o **30 de xullo de 2026** ás 23:59 horas (hora peninsular española). A presentación fóra de prazo suporá a non admisión a trámite da solicitude.

3. Así mesmo, deberán subir a seguinte documentación ao formulario en liña:

- a) Documento acreditativo da condición de beneficiario/a de protección internacional ou solicitante vixente no momento da solicitude (tarxeta branca ou tarxeta vermella).
- b) Curriculum vitae con acreditación dos méritos alegados.
- c) Documentación acreditativa das circunstancias alegadas para avaliar a situación de vulnerabilidade familiar.
- d) Anexo II: Informe sobre a situación socioeconómica da persoa solicitante, emitido pola ONG que xestiona ou xestionou o expediente de protección internacional ou a entrada ao sistema de Acolida e Integración.

No caso de non ter unha ONG de referencia poderase achegar o informe socioeconómico da Unidade de Traballo Social do municipio de residencia no que deberán constar os ingresos percibidos durante 2026 ata a data de presentación da solicitude.



O estudiantado que continúe estudos deberán presentar os documentos sinalados nos apartados a) e d).

Tamén se lles poderá requirir que acheguen outra documentación que resulte necesaria para avaliar correctamente os requisitos e méritos alegados. O feito de non achegar a documentación requirida será causa de exclusión.

6. SELECCIÓN E RESOLUCIÓN

1. A Sección de Axudas e Bolsas, logo de rematar o prazo de presentación de solicitudes e unha vez examinadas estas xunto a documentación presentada, publicará a **listaxe provisoria de solicitudes admitidas e excluídas, coa mención da causa de exclusión**.

2. As persoas interesadas disporán dun **prazo de dez días hábiles contados** desde o día seguinte á publicación para emendar os erros, a falta de documentación e as causas de exclusión. Para tal fin presentarán o formulario de alegacións na secretaría virtual da universidade, ou por calquera dos medios establecidos na Lei 39/2015, dirixido ao Servizo de Axudas ao Estudo, Bolsas e Prezos Públicos. De non presentar emenda entenderase que desiste da súa solicitude previa resolución ditada conforme á *Lei 39/2015 de 1 de outubro, do procedemento administrativo común das administracións públicas*.

3. Unha vez revisadas as alegacións, a selección será efectuada pola comisión de avaliación de acordo cos seguintes criterios:

1º) terán prioridade as persoas que continúen estudos de acordo coa seguinte puntuación:

- a) Condición de apátrida ou estatuto de protección internacional: 2 puntos
- b) Cursar titulación oficial: 1 punto

2º) As persoas que inician estudos segundo a seguinte puntuación, mantendo a prioridade do estudiantado con condición de apátrida ou estatuto de protección internacional:

- a) Situación económica da unidade familiar avaliada en función da renda per cápita: máximo 4 puntos
- b) Vulnerabilidade familiar (teranse en conta situacións como discapacidade, enfermidade ou accidente grave, desemprego, existencia de cargas familiares...): máximo 3 puntos
- c) Entrevista persoal poderá versar sobre a motivación para os estudos, traxectoria académica, experiencia profesional...): máximo 3 puntos
- d) Cursar titulación oficial: 1 punto

En ningún caso poderá obter bolsa unha persoa solicitante que obteña menos de 3 puntos no apartado de situación económica.

A comisión de avaliación está composta por:

- Presidenta: Susana Reboreda Morillo, vicerreitora de Extensión Universitaria
- Vogais: Alejandro Martínez Gómez, xefe do Servizo de Axudas ao estudo, Bolsas e Prezos Públicos
- Magdalena Domínguez Álvarez, xefa da Área de Bolsas



Se por calquera causa, no momento en que a comisión avaliadora tivese que examinar as solicitudes, algún/algúnha dos/das compoñentes non puidese asistir, substituirase pola persoa que para o efecto se nomee mediante resolución reitoral.

4. Unha vez que a comisión efectúe a selección, a Sección de Axudas e Bolsas publicará a **listaxe provisoria de persoas con bolsa concedida, denegada coa mención da causa de denegación e a listaxe de agarda para o caso de existiren renuncias.**

5. As persoas interesadas poderán presentar as alegacións no prazo de **dez días hábiles**, contados desde o día seguinte á publicación. Para tal fin presentarán o formulario de alegacións na secretaría virtual da Universidade de Vigo ou por calquera dos medios establecidos na Lei 39/2015, dirixido ao Servizo de Axudas ao Estudo, Bolsas e Prezos Públicos.

6. Unha vez que a comisión revise as alegacións, enviará a proposta á vicerreitora de Extensión Universitaria quen adxudicará as bolsas mediante a correspondente resolución.

A resolución conterá a **listaxe definitiva de persoas con bolsa concedida e a súa contía, as persoas con bolsa denegada e a causa de denegación, e a listaxe de agarda para o caso de existiren renuncias.**

7. As persoas interesadas entenderán desestimadas as solicitudes de non se ditar unha resolución expresa no prazo de 3 meses contados desde o día seguinte ao do remate do prazo de presentación de solicitudes.

8. As listaxes ás que se refire este punto así como a resolución de adxudicación publicaranse no taboleiro da electrónica <https://sede.uvigo.gal/> e no portal de bolsas da web da universidade <https://www.uvigo.gal/estudar/xestions-estudantes/bolsas>, cos efectos de notificación previstos no artigo 45 da *Lei 39/2015 do 1 de outubro, do procedemento administrativo común das administracións públicas.*

As comunicacións individuais oportunas realizaranse no enderezo electrónico sinalado na solicitude, sen que estas teñan a consideración de notificación.

7. RENUNCIA

A renuncia voluntaria deberá realizarse mediante o *formulario de renuncia* existente na secretaría virtual e presentado na sede electrónica da Universidade de Vigo dirixido á Sección de Axudas e Bolsas, xunto co xustificante de reintegro da contía correspondente no caso de terse efectuado o pagamento. As renuncias aceptadas darán lugar á perda dos dereitos económicos e á concesión da bolsa á seguinte persoa da listaxe de agarda previa resolución.

8. OBRIGAS

Son obrigas das persoas bolseiras:

- Matricularse no curso 2026/2027 antes do 21 de outubro de 2026 nalgúnha titulación de grao, máster universitario, doutoramento, ou propia de especialista da Universidade de Vigo. A obtención do título queda condicionada ao mantemento da permanencia legal no país.
- Participar de xeito presencial nas actividades académicas ao longo de todo o curso, a realización das probas e exames das materias nas que se atopan inscritas e a participación responsable nas demais actividades orientadas a completar a súa formación. A vicerreitoría



de Extensión Universitaria poderá solicitar os informes que considere oportunos para a determinación do cumprimento das obrigas establecidas neste apartado.

- Entregar unha memoria sobre a experiencia persoal e académica, no prazo dunha semana dende que remata o curso.
- No caso dos solicitantes de asilo deberán comunicar a admisión ou a non admisión a trámite da solicitude en canto a reciban.
- Comunicar á Sección de Axudas e Bolsas a obtención de axudas da mesma natureza e finalidade.

Ademais o/a beneficiario/a deberá cumprir as obrigas recollidas no artigo 14.1 da *Lei 38/2013 de 17 de novembro, xeral de subvencións*, que lle sexan de aplicación.

9. REINTEGRO DAS BOLSAS E PERDA DO DEREITO AO COBRO TOTAL OU PARCIAL

Son causas de reintegro e perda do dereito ao cobro destas bolsas:

- Non cumprir os requisitos e as obrigas recollidas na convocatoria.
- Ocultar datos, alteralos ou manipular a información solicitada.
- Incurrir nalguna das causas de incompatibilidade establecidas nesta convocatoria.

A persoa beneficiaria que incorra nalguna destas causas está obrigada a reintegrarlle á universidade a cantidade indebidamente percibida.

10. TRANSPARENCIA

1. De conformidade co artigo 17 da Lei 1/2016, do 18 de xaneiro, de transparencia e bo goberno, e co artigo 15 da Lei 9/2007, do 13 de xuño, de subvencións de Galicia, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano que concede xulgue que se dan as previsións do artigo 15.2.d) da Lei 9/2007, do 13 de xuño, de subvencións de Galicia.

11. PROTECCIÓN DE DATOS

Información sobre a política de protección de datos en [https://www.uvigo.gal/sites/uvigo.gal/files/contents/paragraph-file/2019-11/Texto %20proteccion datos para CONVOCATORIAS bolsas.pdf](https://www.uvigo.gal/sites/uvigo.gal/files/contents/paragraph-file/2019-11/Texto_%20proteccion%20datos%20para%20CONVOCATORIAS%20bolsas.pdf)



ANEXO II

INFORME SOBRE AS AXUDAS ECONÓMICAS PERCIBIDAS

Informe que emite a entidade encargada da atención en España da persoa solicitante de axudas ao estudo para persoas refuxiadas , solicitantes de protección Internacional así como aquelas en situación de protección temporal da Universidade de Vigo en relación con outras axudas económicas percibidas por esta:

ENTIDADE:	
Dirección:	
Teléfono:	
Correo electrónico:	
Nome e cargo da persoa que asina o informe:	

DATOS PERSOAIS de/da solicitante de Axudas ao estudo para persoas refuxiadas da Universidade de Vigo.	
NIE/N.º Pasaporte:	Nome:
Apelidos:	Data de nacemento:
Nacionalidade:	Sexo:

Situación legal administrativa - marque unha opción			
Solicitante de Protección Internacional	<input type="checkbox"/>	Persoa Refuxiada/Protección Subsidiaria	<input type="checkbox"/>
Solicitante de Apátrida	<input type="checkbox"/>	Apátrida	<input type="checkbox"/>
Outros:	<input type="checkbox"/>		<input type="checkbox"/>
		Razóns humanitarias	<input type="checkbox"/>
		Protección Temporal	<input type="checkbox"/>

¿A persoa solicitante de axudas ao estudo para persoas refuxiadas da Universidade de Vigo recibe algún tipo de axuda?		
Si	<input type="checkbox"/>	Non <input type="checkbox"/>
<i>En caso afirmativo cubra a seguinte táboa.</i>		

Ingresos percibidos na data deste informe: <i>marque cun X a axuda ou axudas que percibe</i>	Importe	Período: data de inicio e data de fin

INFORME DE FIRMA, no sustituye al documento original | C.S.V. : GEN-6d30-9e12-f52b-0777-8da3-0dc8-1c7c-6606 | Puede verificar la integridad de este documento en la siguiente dirección: https://run.gob.es/hsb0d8bw6q



Axudas de subsistencia para cubrir as necesidades básicas das persoas que non residen nun centro de migracións			
Axudas de peto para persoas que residen nun dispositivo de acollida			
Axudas para facilitar a autonomía á saída dos centros			
Axudas a persoas que residen ou non nun centro de migracións			
Axudas destinadas a persoas beneficiarias de protección Internacional en España			
Outros ingresos:			

Outras observacións (cargas familiares, discapacidade, outras vulnerabilidades):

Sinatura, data e selo da entidade

Para as persoas refuxiadas ou solicitantes de protección internacional e apátridas acollidas polo Estado español en Galicia, este informe deberá ser emitido e avalado por algunha das seguintes entidades encargadas da atención a estas persoas:

- **Asociación Provienda:** C/ Sanjurjo Badia, 103 Entresuelo Derecha 36207 Vigo (Pontevedra) 986 519 106
- **Diaconía:** Oficina P.I. (Sede Lugo) Rúa Alcalde Ramiro Rueda 8-10 entreplanta, 27297, Lugo.



- **Asociación Diversidades** (Red Acoge): Rúa García Barbón 36, Oficina 1 36201 Vigo
Teléfono 886 117 990. Correo info@diversidades.org
- **Movimiento por la Paz, e. Desarme y la Libertad**: Rúa Lisboa, 2, Local15707 Santiago de Compostela – Galicia Tel: 981 801 622 E-mail: s.fernandez@mpdl.org
- **Cruz Roja**: CALLE PADRE GAITE, 5 CP:36002 Pontevedra, Teléfono: 986852115 pontevedra@cruzroja.es
- **ACCEM**: Dirección: Rúa do Conde de Torrecedeira, 74, Baixo Dereita, 36202 Vigo, Pontevedra Teléfono: 886 90 67 98
- **ONG Ecos do Sur**: Sede Ecos do Sur: avenida de Fisterra, nº 109, baixo, 15004 A Coruña. Tfno: 881 965 692 - consultas@ecosdosur.org

